



KETUA PENGARAH KESIHATAN MALAYSIA
DIRECTOR GENERAL OF HEALTH MALAYSIA

Kementerian Kesihatan Malaysia
Aras 12, Blok E7, Parcel E
Pusat Pentadbiran Kerajaan Persekutuan
62590 Putrajaya

Tel : 603 – 88832545
Faks : 603 – 88895542
E-mail : hasar@moh.gov.my

Ruj. Kami : KKM87/P1/29/4Jld3(1)
Tarikh : 24 Oktober 2011

Semua Pengarah Kesihatan Negeri
Pengarah Hospital Kuala Lumpur

YBhg Dato'/Datin/Tuan/Puan,

**SURAT PEKELILING KETUA PENGARAH KESIHATAN BILANGAN 12
TAHUN 2011: DASAR BEKALAN UBAT *IMMUNOSUPPRESSANT*
KEPADA PESAKIT YANG TELAH MENJALANI PEMBEDAHAN
TRANSPLAN ORGAN**

Dengan segala hormatnya saya merujuk kepada perkara di atas.

2. Malaysia merupakan salah sebuah negara yang komited terhadap usaha membendung kegiatan pemerdagangan organ dan eksploitasi golongan yang mempunyai taraf sosioekonomi yang rendah dan tahanan penjara seperti yang berlaku di sesetengah negara. Amalan demikian ternyata bercanggah dengan nilai etika perubatan serta nilai-nilai kemanusiaan.

3. Aktiviti pemerdagangan organ manusia adalah bercanggah dengan ***WHO Guiding Principles on Human Cell Tissue and Organ Transplantation***. Garispanduan tersebut telah diluluskan di dalam Perhimpunan Kesihatan Sedunia ke-63 (*63rd World Health Assembly*) pada 21 Mei 2010 di mana Kerajaan Malaysia merupakan salah sebuah negara anggota yang menyokong resolusi Perhimpunan tersebut

4. Kementerian Kesihatan Malaysia dengan ini bertanggungjawab untuk melaksanakan resolusi dan garis panduan tersebut melalui kajian semula serta pelaksanaan dasar yang berkaitan dengan aktiviti transplan. Antara dasar yang terlibat adalah dasar bekalan ubat *immunosuppressant*.

5. Berikut adalah "Dasar Bekalan Ubat *Immunosuppressant* Kepada Pesakit Yang Telah Menjalani Pembedahan Transplan Organ" yang telah dikajisemula:

a. Untuk pesakit yang menjalani transplan **dalam negara**:

- i. Semua pesakit warga negara Malaysia yang menjalani pembedahan transplantasi organ di hospital kerajaan dalam negara layak diberi bekalan semua jenis ubat *immunosuppressant* tersebut;
- ii. Pesakit warga negara Malaysia yang menjalani pembedahan transplantasi organ di hospital swasta dalam negara dan seterusnya menjalani rawatan susulan di hospital KKM sewajarnya diberi bekalan ubat *immunosuppressant prednisolone* dan *cyclosporine* atau *tacrolimus*. Pembedahan transplantasi organ di hospital swasta dalam negara juga perlu mematuhi syarat dan prosedur tertentu yang telah ditetapkan di dalam "Polisi Transplantasi Organ Tisu dan Sel Kebangsaan";

b. Untuk Pesakit yang menjalani transplan **luar negara**:

- i. Pesakit tidak digalakkan untuk menjalani rawatan pembedahan transplan organ yang bersifat komersial di luar negara;
- ii. Bermula dari bulan Januari tahun 2012, pesakit baru yang menjalani pembedahan transplantasi organ di luar negara tidak sewajarnya diberi bekalan ubat *immunosuppressant* oleh pihak Kerajaan;

- iii. Pesakit yang menjalani pembedahan transplantasi organ di luar negara sebelum bulan Januari tahun 2012 ("pesakit lama") boleh terus dibekalkan ubat *immunosuppressant prednisolone* dan *cyclosporine* atau *tacrolimus* dengan syarat pesakit tersebut perlu menjalani rawatan susulan di hospital Kerajaan;
- iv. Bekalan ubat *immunosuppressant prednisolone* dan *cyclosporine* atau *tacrolimus* oleh pihak Kementerian Kesihatan dapat dipertimbangkan sekiranya pesakit menjalani pembedahan transplan organ di luar negara secara sah dari segi perundangan dan etika.

6. Jabatan-jabatan yang berkenaan diminta untuk membuat hebahan kepada pesakit-pesakit mengenai perubahan dasar tersebut yang akan bermula pada bulan Januari 2012. Semua Jabatan Kesihatan Negeri juga diminta untuk mempertingkatkan lagi usaha promosi pendermaan organ kadaverik di peringkat negeri masing-masing.

7. Surat Ketua Pengarah Kesihatan KKM.KPK.5305.20/11Jld.34(103) bertarikh 4 Disember 2008 dengan ini terbatal. Surat Pekeliling ini berkuatkuasa serta merta dari tarikh surat ini dikeluarkan.

Sekian terima kasih.

Yang ikhlas,



(DATO' DR HASAN BIN ABDUL RAHMAN)

Ketua Pengarah Kesihatan Malaysia

s.k

- Ketua Setiausaha
Kementerian Kesihatan Malaysia
- Timbalan Ketua Pengarah Kesihatan (Perubatan)
- Timbalan Ketua Pengarah Kesihatan (Kesihatan Awam)
- Timbalan Ketua Pengarah Kesihatan (Penyelidikan & Sokongan Teknikal)
- Pengarah Kanan (Perkhidmatan Farmasi)
- Pengarah Kanan (Kesihatan Pergigian)
- Pengarah Kanan (Keselamatan & Kualiti Makanan)